

Broj: 01-02-1179/18
Sarajevo, 11.07.2018.

DOM NARODA PARLAMENTA FEDERACIJE BiH

n/r gospođe Lidije Bradara, predsjedavajuće
n/r gospodina Jasenka Tufekčića, potpredsjedavajućeg
n/r gospodina Drage Puzigaće, potpredsjedavajućeg

**PREDMET: PRIJEDLOG ZAKONA O PRAVIMA DEMOBILISANIH BRANILACA I
ČLANOVA NJIHOVIH PORODICA
- hitni postupak**

Na osnovu člana 198. Poslovnika Predstavničkog doma Parlamenta FBiH, obavještavam Vas da je Predstavnički dom Parlamenta FBiH na 32. vanrednoj sjednici održanoj 10.07.2018. godine, usvojio Prijedlog Zakona o pravima demobilisanih branilaca i članova njihovih porodica sa amandmanima koje je Vlada FBiH prihvatila, pa su postali sastavni dio Prijedloga Zakona i amandmanima koje je Predstavnički dom izglasao.

Amandmani koje je Vlada FBiH prihvatila:

Amandman I

U članu 21. stav (2) mijenja se i glasi:

„(2) Sredstva iz stava (1) ovog člana obezbjedit će se iz Budžeta Federacije i budžetâ kantonâ, u skladu sa mogućnostima.“

Amandman II

U članu 23. umjesto teksta: „novčana pomoć demobilisanim braniocima“ upisati tekst: „novčana egzistencijalna naknada demobilisanim braniocima“.

Amandman III

U članu 24. stav (1) umjesto teksta: „stariji od 65 godina“ upisati tekst: „sa navršenih 65 godina života“.

U članu 24. stav (2) umjesto teksta: „stariji od 60 godina“ upisati tekst: „ sa navršenih 60 godina života“.

U članu 24. stav (3) umjesto teksta: „starija od 50 godina“ upisati tekst: „sa navršenih 50 godina života“.

U članu 24. stav (4) umjesto teksta: „stariji od 57 godina“ upisati tekst: „sa navršenih 57 godina života“.

Amandman IV

U članu 27. stav (1) umjesto teksta: „2018. godine“ upisati tekst: „prethodne godine“.

Amandman V

U članu 41. iza riječi „mogu“ upisati tekst: „u jednom slučaju“.

Iza člana 41. ispred naziva poglavlja umjesto slova „i)“ upisati slovo „j)“.

Amandman VI

U članu 43. umjesto teksta: „prava iz člana 37. i 38. ovog Zakona“ upisati tekst: „prava iz člana 40., 41. i 42. ovog Zakona“.

Amandman VII

U članu 45. umjesto teksta: „Pravo iz člana 37.“ upisati tekst: „Pravo iz članova 37. – 44.“.

Amandman VIII

U članu 46. umjesto teksta: „prava iz člana 8.“ upisati tekst: „prava iz člana 44.“.

Amandman IX

U članu 47. stav (1) umjesto teksta: „posjeduje elektroenergetsku saglasnost, odnosno adekvatnu saglasnost drugih javnih preduzeća“, upisati tekst: „posjeduje odgovarajuću saglasnost za priključak na tu infrastrukturnu mrežu od ovlaštenog organa, odnosno pravnog lica“.

Amandman X

U članu 26. u tački d) na kraju teksta umjesto „ ; “ staviti „ , “ i dodati tekst: „izuzimajući ratne vojne invalide ispod 60%“.

Amandman XI

U članu 55. na kraju rečenice briše se tačka i dodaje se tekst: „ , a najkasnije u roku od 60 dana od dana stupanja na snagu ovog Zakona.“

Amandmani koji su izglasani u Predstavničkom domu:

Amandman I

Član 27. mijenja se i glasi:

„Član 27.

(Utvrđivanje iznosa boračkog dodatka)

- (1) Maksimalan novčani iznos boračkog dodatka (ratni dodatak + radni dodatak) je minimalna penzija isplaćena u Federaciji Bosne i Hercegovine za prethodnu godinu – prema podacima Federalnog zavoda za penzijsko i invalidsko osiguranje.
- a) Ratni dodatak
Mjesečni iznos ratnog dodatka za demobilisanog branioca obračunava se tako što se broj provedenih mjeseci u odbrani BiH množi sa 4,5 KM i koeficijentom iz člana 32. ovog Zakona.
- b) Radni dodatak
Mjesečni iznos radnog dodatka za demobilisanog branioca obračunava se tako što se broj godina redovnog radnog staža množi sa 10 KM, i koeficijentom iz člana 32. ovog Zakona do maksimalno 12 godina radnog staža.“

Amandman II

U članu 31. stav (1) briše se postojeći tekst u tačkama a) i c), i briše se stav (2) i dodaju se nove tačke a) i c) i stav (2) koji glase:

„a) smrću korisnika prava i bračnog druga, te prestankom redovnog školovanja djece;
c) Ukoliko korisnik prava na borački dodatak ili njegov bračni partner ukoliko je naslijedio prava preminulog supružnika zasnuju radni odnos, ostvare pravo na penziju, prijave samostalnu djelatnost ličnim radom, ostvare pravo na mjesečnu naknadu po federalnim, kantonalnim i općinskim propisima, izuzimajući ratne vojnike invalide ispod 60%, ostvare prihod po osnovu izdavanja u zakup nekretnina i dr.

(2) Pravo na borački dodatak ne može se prenijeti na drugo lice izuzimajući bračnog druga ili djecu na redovnom školovanju, a najduže do (25) dvadeset pete godine.“

Amandman III

U članu 35. postojeći stav (3) se briše i zamjenjuje novim koji glasi:

„(3) Demobilisani branilac može ostvariti pravo na dopunski staža do tri godine radi ostvarivanja prava na penziju, po Zakonu o prijevremenom povoljnijem penzionisanju branilaca odbrambeno oslobodilačkog rata.“

U stavu (4) riječi „do pet godina“ zamjenjuju se riječima „do tri godine“.

Amandman IV

U članu 2. dodaje se novi stav (3) koji glasi:

„(3) Pod učešćem u odbrani Republike Bosne i Hercegovine u smislu stava (1) ovog člana, podrazumijeva se učešće u oružanom otporu i djelovanje u direktnoj vezi sa pružanjem oružanog otpora i odbrane RBiH.“

Amandman V

U članu 18. dodaje se stav (2) koji glasi:

„(2) Demobilisani branilac, povratnik u RS ili Brčko Distrikt, koji prvi puta prijavljuje obrt ili samostalnu djelatnost ima pravo i prednost na subvencije iz sredstava Budžeta FBiH.“

Amandman VI

Članovi 23., 24., 25., 26. i 27. Zakona mijenjaju se i glase:

„Član 23.

(Pojam borački/braniteljski dodatak)

Borački dodatak je obeštećenje za duševnu bol, zdravstveno i psihološko oštećenje, nastalo u direktnom učešću u oružanoj borbi, otporu i odbrani R BiH u odbrambeno – oslobodilačkom ratu 1992. – 1995. godine.

Borački dodatak ostvaruju borci R BiH, koji nisu ostvarili nikakvo stalno mjesečno primanje, na osnovu direktnog učešća u oružanom otporu i borbi u odbrambeno-oslobodilačkom ratu 1992.-1995.. godine u R BiH (osim tjelesnog obeštećenja za RVI).

Član 24.

(Uslovi ostvarivanja prava i kategorizacija)

S obzirom na angažovanost, osposobljenost, manevarsko djelovanje, izloženost ratnim razaranja, rizicima i neprijateljskom djelovanju, kao i formacijskim položajima;

Borački dodatak je kategoriziran i to:

1. Kategorija: diverzantske jedinice (protiv-diverzantske jedinice), izviđačke jedinice, protivterorističke jedinice, interventne jedinice MUP-a i vojne policije, udarne i oslobodilačke jedinice i pionirska inženjerija (koja je bila u sastavu ovih jedinica).
2. Kategorija: linijske-frontalne jedinice, domobranske jedinice, artiljerijske jedinice bliže podrške, ostale inženjerijske jedinice, ABHO jedinice, protiv vazdušna odbrana (PVO), sanitetske jedinice, vojna policija, jedinice MUP-a koje su bile angažovane u prve borbene linije, komandni kadar.
3. Kategorija: komande brigada, operativnih grupa (OG), divizija, korpusa i generalštaba. Pozadinske jedinice (POZ), logističke baze, ratne bolnice, dalekometna artiljerija (koja je izvan zone 3 km od prve borbene linije), ostale jedinice sličnog formacijskog angažmana.
4. Jedinice MUP-a koje nisu bile angažovane u borbene linije, jedinice elektronskog izviđanja, obavještavanja i javljanja, štabovi Teritorijalne odbrane (TO) (izvan 6 km ratne zone djelovanja) regrutni i nastavni centri, gradske bolnice.

Pripadnici ovih jedinica iz stava 4. nemaju pravo na borački dodatak, osim ako nisu bili angažovani u oružanim dejstvima najmanje 6 mjeseci, u nekoj od kategorija pod stavom 1., 2. ili 3.

Član 25.

(Ostvarenje prava na borački/braniteljski dodatak)

Član 25. (a)

Lica iz člana 24. ovog Zakona, imaju pravo na mjesečni novčani dodatak, po osnovu učešća u Oružanim snagama R BiH (ARBiH, HVO, HOS i MUP), obračunat po osnovu broja mjeseci provedenih u neposrednom učešću u borbenim dejstvima od 08.04.1992. godine do 23.12.1995. godine, izuzev jedinica (HVO i HOS, PL, Zelene beretke, TO specijalna i rezervna milicija) koje su učestvovala u borbenim dejstvima oko sela Ravno i druge jedinice koje su učestvovala u borbenim dejstvima na Kupreškom i Posavskom ratištu, a prije 08.04.1992. godine u visini od:

1. Kategorija: 0,3% od prosječne plaće u FBiH za prethodnu godinu pomnoženu sa brojem mjeseci neposrednog učešća u borbenim dejstvima.
2. Kategorija: 0,2% od prosječne plaće u FBiH za prethodnu godinu pomnoženu sa brojem mjeseci neposrednog učešća u borbenim dejstvima.
3. Kategorija: 0,1% od prosječne plaće u FBiH za prethodnu godinu pomnoženu sa brojem mjeseci neposrednog učešća u borbenim dejstvima.

Član 25. (b)

(Uvećan borači/braniteljski dodatak za vrijeme nezaposlenosti)

Lica iz člana 24. ovog Zakona, imaju pravo na borački dodatak za vrijeme nezaposlenosti koji će biti uvećan, tako što će ostvareni borački dodatak biti pomnožen sa koeficijentom dobivenim na osnovu provedenih mjeseci u učešću i odbrani RBiH i to:

- a) Koeficijent 1,5 do 18 mjeseci provedenih u OOR RBiH;
- b) Koeficijent 2 od 19 do 24 mjeseca provedenih u OOR RBiH;
- c) Koeficijent 2,5 od 25 do 36 mjeseci provedenih u OOR RBiH;
- d) Koeficijent 3 od 37 do 43 mjeseca provedena u OOR RBiH;

e) Koeficijent 3,5 od 44 mjeseca i više, puni ratni staž i prije opšte mobilizacije (da je najmanje 36 mjeseci proveo u borbenim dejstvima).

Borački dodatak „za vrijeme nezaposlenosti“ ni po kojem osnovu ne može prelaziti 35% prosječne plaće (ili veći od minimalne penzije), niti biti manji od 10% prosječnog ličnog dohotka u Federaciji BiH za prethodnu godinu).

Član 25. (b) će detaljnije biti regulisan i preciziran „Pravilnikom o pravu na borački dodatak“, koji treba biti urađen u roku od 90 dana od stupanja na snagu ovog Zakona.

Član 26.

(Osoba koja može ostvariti pravo na borački/braniteljski dodatak)

Pravo na borački dodatak može ostvariti samo branilac R BiH iz člana 2. ovog Zakona, koji je državljanin BiH, koji stalno živi i ima prebivalište na teritoriji BiH.

Branilac iz člana 2. (stav (1) i (2)) ovog Zakona, koji u toku odbrambeno-oslobodilačkog rata 1992.-1995. godine dezertirao, samovoljno napustio ratnu jedinicu, ili je bez odobrenja nadležne komande ili organa vlasti napustio R BiH duže od 30 dana, nema pravo na borački dodatak.

Branilac ili RVI koji je namjerno učinio samoranjavanje ili drugu povredu, radnju, (simulirali psihološka oboljenja), kako bi izbjegao dalje angažovanje u borbenom sektoru, nema pravo na borački dodatak.

Član 27.

(Izuzete i ograničenje prava)

član 27. (a)

(izuzete prava na borački/braniteljski dodatak)

Izuzete iz prava na borački dodatak imaju sljedeće kategorije branilaca:

1. Članovi porodica šehida i poginulih boraca, jer nisu direktni učesnici u borbenim dejstvima, a koji dobijaju porodičnu invalidninu,
2. Osobe i lica koja su bili u Oružanim snagama FBiH i Policijskih jedinica, a nemaju status branioca, član 2. ovog Zakona (koji nisu učestvovali u borbenim dejstvima), već su svoju djelatnost/sluzbu obavljali na slobodnoj teritoriji R BiH, opštinskim sluzbama, korpusima, divizijama, Operativnim grupama, štabovima TO i brigadama, ali nisu bili u lancu komandovanja i rukovođenja, već su bili uslužna djelatnost, administracija i personal.
3. Dobitnici najvećih ratnih priznanja i odlikovanja, koji osim ovog prava (na odlikovanja), su ostvarili i neka druga prava koja im obezbjeđuju redovna mjesečna novčana primanja (lični dohodak, penzija, lična invalidnina itd).
4. Lica koja su po Uredbama Vojske Federacije BiH penzionisana na osnovu i komandnog položaja ili oficirskog čina od čina Majora do Generala i više, te su ostvarili „beneficirane penzije“ po visokim koeficijentima koje se sufinansiraju iz sredstava koja su namijenjena braniocima R BiH iz Budžeta FBiH.
5. Sluzbe Civilne zaštite (CZ), Uzbunjivanja, Vatrogasci, Radni vodovi (radna obaveza), pozadinska logistika, namjenska industrija, povjerenici i ostali.
6. Pravo na borački dodatak, nemaju ni branioci koji imaju manje od 6 mjeseci učešća u borbenim dejstvima, osim RVI koji su poslije ranjavanja proglašeni nesposobnima za sluzbu.

Član 27. (b)
(djelimično ograničenje prava)

1. Djelimično ograničenje na pravo imaju RVI (preko 70% invaliditeta) kojima se borački dodatak računa do trenutka ranjavanja i nastupanja najveće invalidnosti ili do donošenja Rješenja da je navedena osoba „onesposobljena za vojnu službu“.
2. RVI koji nisu ranjeni/nastradali na borbenom zadatku, vršenju dužnosti ili u pripravnosti, već na odmoru kod kuće ostvaruju pravo na 50% branilačkog dodatka.
3. Branioci koji su zaposleni, imaju privatni obrt, firmu ili obavljaju neku drugu djelatnost koja im donosi redovna mjesečna primanja manja od prosječnog ličnog dohotka u Federaciji BiH, imaju pravo na 50% boračkog/braniteljskog dodatka do sticanja uslova za penziju. Ostvarivanjem uslova i zakonskog prava na redovnu penziju oni stiču uslov za puni iznos boračkog/braniteljskog dodatka koji mu pripada.“

Amandman VII

U članu 28. dodaje se novi stav (4) koji glasi:

„(4) Licima koja ispune uslove za priznavanje prava na borački dodatak, počinje teći pravo od prvog dana narednog mjeseca poslije podnošenja zahtjeva (iz bivšeg člana 29.).“

Amandman VIII

Član 29. mijenja se i glasi:

„(1) Formira se boračko/branilački fond iz kojeg će se vršiti isplate boračko/branilačkog dodatka.

(2) Branilački fond će se puniti od ostvarenih ušteda u Budžetu FBiH koji je određen za Federalno ministarstvo za pitanja branilaca i invalida i Federalnog ministarstva za rad i socijalnu politiku, iz ušteda transfera sredstava prema PIO/MIO FBiH kod preračuna penzija, od transfera za finansiranje boračkih organizacija i udruženja sa svih nivoa, od transfera pojedincima jednokratne pomoći branilačkim kategorijama, od ušteda iz dodatnih prava na nivou kantona i općina i drugih izvora.

(3) Dostignuti nivo izdvajanja finansijskih sredstava iz bužeta FBiH i kantona, a po osnovu osnovnih i dopunskih prava branilaca i članova njihovih porodica, neće se umanjivati u narednih 5 (pet) godina, nego će neiskorišteni dio (višak sredstava) preusmjeravati u ovaj Fond.

(4) Sva sredstva koja budu naznačena u ovaj Fond koristit će se isključivo za isplate boračkog dodatka, a dinamika, način i termini isplate će biti uređeni posebnim Pravilnikom, koji će zajednički sačiniti ministarstva za pitanja boraca iz kantona, Vlada FBiH i predstavnici boraca.

Amandman IX

U članu 37. stav (3) mijenja se i glasi:

„(3) Sredstva za ostvarivanje prava iz stava (1) ovog člana za demobilisanog branioca nastanjenog u Republici Srpskoj osiguravaju se iz sredstava planiranih za održivi povratak u Budžetu Federacije BiH te kantona na čijem području je povratnik u entitet Republika Srpska imao posljednje boravište u odnosu 50% sredstava Federacija BiH, a 50% sredstava iz budžeta kantona.

Amandman X

U članu 47. dodaje se stav (4) koji glasi:

„(4) Za demobilisane branioce koji su povratnici u Republiku Srpsku ili Brčko Distrikt ostvarivanje prava iz stava (1) i (2) ovog člana sufinansirat će iz bužeta najbližeg kantona te Budžeta Federacije BiH u omjeru po 50% sredstava za oslobađanje priključka na infostrukturne mreže.“

Amandman XI

U članu 16. stav (4) mijenja se i glasi:

„(4) Subjekti iz st. (2) i (3) ovog člana dužni su u roku od 60 dana od dana stupanja na snagu ovog zakona uskladiti svoje akte i propise kojim se reguliše zapošljavanje, na način da se licima iz člana 2. ovog zakona ukupan broj bodova povećava za 30% dok se licima iz člana 3. ovog zakona ukupan broj bodova povećava za 10%.“

Amandman XII

U članu 16. dodaje se stav (5) koji glasi:

„(5) Lica iz člana 2. ovog zakona imaju prednost u odnosu na lica iz člana 3. ovog zakona u slučaju da imaju ostvaren isti ukupan broj bodova.“

Amandman XIII

Član 49. se briše.

Amandman XIV

U članu 32. iza stava (4) dodati stav (5) koji glasi:

„(5) Ukoliko neka opština, kanton ili Distrikt Brčko, kantonalna služba za zapošljavanje nekog od kantona ne uplati sredstva u Fond za borački dodatak sredstva iz Fonda neće biti uplaćena korisnicima iz člana 2. stav (3) ovog zakona, za taj mjesec.“

Amandman XV

U članu 2. dodati stav (3) koji glasi:

„(3) Demobilisani borci razvrstavaju se u borbeni i neborbeni sektor.

- a) Demobilisani borac pripadnik borbenog sektora smatra se onaj borac koji je određeno vrijeme proveo u direktnim borbenim dejstvima.
- b) Demobilisani borac pripadnik neborbenog sektora smatra se pripadnik civilne zaštite, radne obaveze, namjenske industrije, ratne bolnice, prištabske jedinice, jedinice logistike i svi drugi borci koji nisu učestvovali u direktnim borbenim dejstvima.
- c) Za preciznije određivanje pripadnika borbenog i neborbenog sektora zadužuje se Federalno ministarstvo za pitanja boraca i invalida odbrambeno oslobodilačkog rata.“

Amandman XVI

U članu 23. stav (1) iza riječi „zapošljavanje“ dodaje se: „Federalni zavod za zapošljavanje, Općinski budžet svih općina u FBiH te Distrikt Brčko i služba za zapošljavanje Distrikta Brčko.“

Amandman XVII

Član 24. se mijenja i glasi:

„(1) Za potrebe prikupljanja, upravljanja i raspodjele sredstava iz člana 23. stav (1) formira se Fond za borački dodatak (u daljem tekstu Fond).

(2) Fond će djelovati u okviru Federalnog ministarstva za pitanja boraca i invalida odbrambeno oslobodilačkog rata (u daljem tekstu Federalno ministarstvo za pitanja boraca).

- (3) Federalno ministarstvo za pitanja boraca donosi organizaciju, način rada i upravljanje Fondom za borački dodatak uz saglasnost Vlade FBiH.
- (4) Za potpuno funkcionisanje Fonda angažuju se trenutni uposlenici Federalnog ministarstva za pitanja boraca, te se ne trebaju izdvajati nova sredstva, niti angažovati novi uposlenici.
- (5) Novčana sredstva u Fond obezbijediti na slijedeći način:
- Općinski budžeti u FBiH i Budžet Distrikta Brčko – 20%
 - Kantonalni budžeti u FBiH – 25%
 - Kantonalne službe za zapošljavanje i Služba za zapošljavanje Distrikta Brčko – 25%
 - Budžet FBiH – 15%
 - Federalni zavod za zapošljavanje – 15%.
- (6) Svaki navedeni izvor finansiranja Fonda iz člana 24. ovog zakona obezbjeđuje novčana sredstva za demobilisane borce sa područja te općine, kantona, Distrikta Brčko i FBiH.
- (7) Pravo na borački dodatak imaju demobilisani borci iz člana 2. stav (3) a).
- (8) Pravo na borački dodatak iz člana 2. stav (3) a) ovog zakona imaju nezaposleni borci koji su u momentu stupanja na snagu ovog zakona imali najmanje 12 mjeseci provedenih na evidenciji nezaposlenih lica.
- (9) Izuzetno od člana 2. stav (3) a), pravo na borački dodatak imaju ratni vojni invalidi sa procentom invalidnosti od 20 do 50%.

Amandman XVIII

Iza člana 24. uvodi se novi član 25. koji glasi:

„(1) Demobilisani borci koji imaju do 12 mjeseci provedenim u oružanim snagama imaju mjesečnu naknadu 30% od najniže penzije u FBiH isplaćene u prethodnom mjesecu.

(2) Demobilisani borci koji imaju od 12 do 24 mjeseca u oružanim snagama imaju mjesečnu naknadu 40% od najniže penzije u FBiH isplaćene u prethodnom mjesecu.

(3) Demobilisani borci koji imaju od 24 do 36 mjeseci u oružanim snagama imaju mjesečnu naknadu 50% od najniže penzije u FBiH isplaćene u prethodnom mjesecu.

(4) Demobilisani borci koji imaju iznad 36 mjeseci u oružanim snagama imaju mjesečnu naknadu 60% od najniže penzije u FBiH isplaćene u prethodnom mjesecu.

II Borci iz člana 2. stava (3) a) i stava (9) koji su u radnom odnosu ostvaruju borački dodatak na slijedeći način:

a) demobilisani borac koji je proveo u oružanim snagama do 12 mjeseci ima za 2% uvećanu platu na mjesečnom nivou u bruto iznosu.

b) Demobilisani borac koji je proveo u oružanim snagama od 12 do 24 mjeseca ima za 3% uvećanu platu na mjesečnom nivou u bruto iznosu.

c) demobilisani borac koji je proveo u oružanim snagama od 24 do 36 mjeseci ima za 4% uvećanu platu na mjesečnom nivou u bruto iznosu.

d) Demobilisani borac koji je proveo u oružanim snagama iznad 36 mjeseci ima za 5% uvećanu platu na mjesečnom nivou u bruto iznosu .

III Demobilisani borci iz člana 2. stava (3) a) i stava (9) istog člana, a koji su ostvarili penziju po osnovu radnog staža (staža osiguranja), a nema nikakva druga primanja po osnovu učešća u oružanim snagama ostvaruju borački dodatak na slijedeći način:

a) Demobilisani borac koji je proveo u oružanim snagama do 12 mjeseci ima za 3% uvećanu penziju na mjesečnom nivou.

b) Demobilisani borac koji je proveo u oružanim snagama od 12 do 24 mjeseca ima za 4% uvećanu penziju na mjesečnom nivou.

c) Demobilisani borac koji je proveo u oružanim snagama od 24 do 36 mjeseci ima za 5% uvećanu penziju na mjesečnom nivou.

d) Demobilisani borac koji je proveo u oružanim snagama iznad 36 mjeseci ima za 6% uvećanu penziju na mjesečnom nivou.

- e) Novčana sredstva za potrebe demobilisanih boraca iz člana 2. stav (3) a) i člana 25. II obezbjeđuje poslodavac kod kojeg je prijavljen demobilisani borac.
- f) Novčana sredstva za potrebe demobilisanih boraca iz člana 2. stav (3) a) i člana 25. III obezbjeđuje Federalni zavod PIO-MIO.

Amandman XIX

Iza člana 25. svaki naredni član ovog zakona pomjeriti za jedan.

S poštovanjem,

PREDSJEDAVAJUĆI

Edin Mušić



Dostaviti:

- naslovu
- predsjedniku i potpredsjednicima FBiH
- premijeru, zamjenicima premijera
- Vladi FBiH
- Predsjedavajućem PD
- potpredsjedavajućima PD
- predsjedavajućoj i potpredsjedavajućima DN
- sekretaru Doma naroda
- službi Doma naroda
- sekretaru Predstavničkog doma
- službi Predstavničkog doma
- službi za izradu izvornika
- a.a.